

BOSNA I HERCEGOVINA
PARLAMENTARNA SKUPNOSTINA
PREDSTAVNIČKI DOM

Broj: 01-011-88/00.
Sarajevo, 19.04.2000.

Z A P I S N I K
sa 19. sjednice Predstavničkog doma Parlamentarne skupštine
Bosne i Hercegovine

Devetnaesta sjednica Predstavničkog doma Parlamentarne skupštine Bosne i Hercegovine održana je 19. aprila 2000.godine. Prisustvovalo je 29 poslanika – iz Federacije BiH 14, iz Republike Srpske 14. Poslanici Ana Havel i Mara Perkanović na sjednicu su zakasnili zbog službenog puta.

Odsustvo sa sjednice najavili su: Ivo Mijačević i Anita Mikulić iz zdravstvenih razloga, Haris Silajdžić, Sejfudin Tokić, Bogić Bogićević i Ivo Lozančić zbog službenog puta. Zbog službenog puta odsustvovao je i g. Ibrahim Spahić, a Nedžad Branković i Hamdija Kulović su podnijeli ostavku zbog nespojivosti funkcije poslanika i posla koji obavljaju. Bez najave odsustvovali su Tarik Čaršimamović, Safet Oručević i Edhem Bičakčić.

Sjednicom je na početku predsjedavao predsjedavajući Pero Skopljak, a u jednom dijelu Halid Genjac, prvi zamjenik predsjedavajućeg, zbog obaveza g. Skopljaka prema prijemu strane delegacije.

Predsjedavajući Pero Skopljak je obavijestio poslanike da je na sastanku Kolegija usaglašen prijedlog dnevnog reda. Iznio je i prijedlog Kolegija da se prije rasprave o dnevnom redu izvrši izbor dva člana Verifikacione komisije - iz reda hrvatskih poslanika g. Ljubomir Zovko, a iz reda bošnjačkih poslanika umjesta g. Alme Čolo, g. Ibrahim Spahić.

Poslanici su jednoglasno usvojili prijedlog Kolegija, pa je predsjedavajući konstatovao da su g. Ljubomir Zovko i Ibrahim Spahić izabrani za članove Verifikacione komisije.

Zatim je predsjedavajući iznio prijedlog Kolegija da se iz prijedloga dnevnog reda skine Prijedlog poslovnika Predstavničkog doma zbog velikog broja podnesenih amandmana, kao i zbog toga što Prijedlog poslovnika još nije razmatrala Komisija za ustavna i pravna pitanja. Ostale tačke prijedloga dnevnog reda dao je na raspravu.

U raspravi povodom prijedloga dnevnog reda učestvovali su: Ivo Divković, Nikola Špirić, Rasim Kadić, Zlatko Lagumdžija, Mirko Banjac, Suada Muminagić, Ivica Pašalić i Branko Dokić.

Poslije diskusije zamjenik predsjedavajućeg, g. Halid Genjac, prvo je stavio na glasanje prijedlog dnevnog reda Kolegija, osim Prijedloga poslovnika Predstavničkog doma.

Od 25 prisutnih ZA je glasao 21 poslanik. Zamjenik predsjedavajućeg je konstatovao da je prijedlog dnevnog reda Kolegija usvojen. Zatim je konstatovao da je poslanik Nikola Špirić povukao prijedlog da se u dnevni red uvrsti analiza rada Nezavisne komisije za medije iz razloga što su poslanici tek danas dobili materijal, a prema Poslovniku poslanici materijale treba da dobiju najmanje sedam dana prije sjednice.

Zamjenik predsjedavajućeg na glasanje je dao prijedlog g. Špirića da Prijedlog poslovnika ostane u dnevnom redu. ZA prijedlog su glasala 4 poslanika, a 11 je glasalo protiv. Prema tome, prijedlog nije usvojen.

U vezi sa protestom g. Lagumdžije zašto još u dnevni red nije uvrštena rasprava o ekonomskoj i socijalnoj politici u Bosni i Hercegovini, predsjedavajući Skopljak je napomenuo da je kod Vijeća ministara urgirano da dostavi potreban materijal za ovu temu, što još nije učinjeno. Naglasio je da će služba ponovo urgirati za dostavljanje tog materijala.

Prema tome, 19. sjednica Predstavničkog doma imala je sljedeći

D N E V N I R E D:

1. Usvajanje zapisnika sa 16. sjednice Predstavničkog doma,
2. Izvještaj Komisije Klegija o nastojanju za postizanje saglasnosti:
 - Prijedlogu zakona o javnim ispravama i
 - Nacrtu izbornog zakona BiH (predlagač Klub poslanika KDZ-a BiH),
3. Prijedlog zakona o izmjenama i dopunama Okvirnog zakona o privatizaciji preduzeća i banaka (predlagač poslanik Suada Muminagić),
4. Nacrt zakona o izmjenama i dopunama Zakona o carinskoj politici BiH,
5. Nacrt zakona o izmjenama i dopunama Zakona o carinskoj tarifi BiH,
6. Davanje saglasnosti za ratifikaciju:
 - a) Protokola II uz Konvenciju o zabrani i ograničavanju upotrebe određenih vrsta klasičnog oružja za koje se može smatrati da ima prekomjerne traumatske efekte ili da djeluje bez razlike u pogledu ciljeva,
 - b) Konvencije Međunarodne organizacije rada broj 105. o zabrani prisilnog rada,
 - c) Okvirne konvencije Ujedinjenih nacija o promjeni klime,
 - d) Sporazuma između Bosne i Hercegovine i Savezne Republike Njemačke o osnivanju i djelatnosti instituta za kulturu,
 - e) Sporazuma o saradnji na prevenciji i borbi protiv prekograničnog kriminala,
 - f) Konvencije o pomirenju i arbitraži u okviru KEBS-a,
7. Smjernice Evropske unije i Program mjera i aktivnosti radi sprovođenja reformi u BiH sa zaključcima Predsjedništva BiH,
8. Odgovori na poslanička pitanja i pitanja poslanika.

Ad - 1: Zapisnik sa 16. sjednice predstavničkog doma

Na zapisnik sa 16. sjednice primjedbu je dala poslanik Desanka Rađević, u dijelu gdje se govori o glasanju o Nacrtu izbornog zakona BiH (predlagači grupa poslanika SDP-a), da je konstatovan pogrešan rezultat glasanja.

Sa 21 glasom ZA i 3 protiv usvojen je Zapisnik sa 16. sjednice Predstavničkog doma, sa obavezom da se u zapisniku ispravi nepravilnost koju je iznijela poslanik Rađević.

Ad - 2: Izvještaj Komisije kolegija o nastojanju za postizanje saglasnosti:

- Prijedlogu zakona o javnim ispravama i
 - Nacrtu izbornog zakona BiH (predlagač Klub poslanika KDZ-a BiH)
- a) Zamjenik predsjedavajućeg g. Halid Genjac podsjetio je poslanike da je Prijedlog zakona o javnim ispravama na prethodnoj sjednici dobio većinu prisutnih, ali ne i entitetsku većinu, te da o istom nije postignuta saglasnost na Komisiji Klegija. Potom je dao Prijedlog zakona na drugi krug glasanja.

Od 25 prisutnih poslanika ZA je glasalo 10, a 14 je glaslo protiv. G-din Genjac je konstatovao da Prijedlog zakona nije dobio većinu prisutnih i da nema potrebe glasati po entitetima.

- b) Ni Nacrtu izbornog zakona (predlagač Klub poslanika HDZ-a) nije dobio saglasnost Komisije Kolegija. Na sjednici je izvršen drugi krug glasanja.

Od 25 prisutnih poslanika ZA Nacrt je glasalo 11, a 14 je glasalo protiv. Zamjenk predsjedavajućeg je konstatovao da Nacrt zakona nije dobio većinu prisutnih poslanika i da nije usvojen.

Povodom ovog glasanja diskutovali su Mirko Banjac i Rasim Kadić.

Ad - 3: Prijedlog zakona o izmjenama i dopunama Zakona o privatizaciji preduzeća i banaka (predlagač poslanik Suada Muminagić)

Prijedlog zakona obrazložila je g. Suada Muminagić.

Diskutovao je poslanik Vito Rakić, a potom se Dom o Prijedlogu zakona izjasnio.

ZA je glaslo 9 poslanika, a 12 je glasalo protiv. Prema tome, Prijedlog zakona nije usvojen.

Ad - 4: Nacrt zakona o izmjenama i dopunama Zakona o carinskoj politici Bosne i Hercegovine

Poslanik Raifa Alagić istovremeno je podnijela izvještaj Komisije o pitanjima vanjske trgovine i carina o razmatranju Nacrta zakona o izmjenama i dopunama Zakona o carinskoj politici BiH i Nacrta zakona o izmjenama i dopunama Zakona o carinskoj tarifi BiH.

Diskutovao je poslanik Vito Rakić.

Sa 19 glasova ZA i 3 uzdržana (iz FBiH 11, iz RS 8) Predstavnički dom je usvojio zaključak da Nacrt zakona usvaja kao osnovu za izradu prijedloga zakona, te da se diskusija o Nacrtu dostavi predlagaču radi uzimanja u obzir pri izradi prijedloga.

Ad - 5: Nacrt zakona o izmjenama i dopunama Zakona o carinskoj tarifi Bosne i Hercegovine

U diskusiji povodom ovog nacrtu učestvovali su poslanici Vito Rakić, Radenka Balta i Rasim Kadić.

Dom je usvojio zaključak da se Nacrt zakona usvaja kao osnova za izradu prijedloga zakona, uz dostavljanje diskusija predlagaču radi uzimanja istih u obzir pri izradi prijedloga.

Dom je takođe usvojio prijedlog poslanika da Vijeće ministara, prije dostavljanja prijedloga zakona u parlamentarnu porceduru, Predstavničkom domu dostavi analizu ciljeva koji se žele postići u implementaciji zakona', odnosno ciljeva koji se žele postići utvrđivanjem novih carinskih stopa i tarifa.

Za zaključke je glasao 21 poslanik, a tri poslanika su glasala protiv.

Ad - 6: Davanje saglasnosti za ratifikaciju...

U okviru ove tačke dnevnog reda diskutovao je poslanik Miodrag Deretić, a potom je ministar insotranih poslova Jadranko Prlić dao određena objašnjenja u ime Vijeća ministara.

Sa 23 glasa ZA i dva uzdržana, Predstavnički dom je dao saglasnost za ratifikaciju:

- a) Protokola II uz Konvenciju o zabrani i ograničavanju upotrebe određenih vrsta klasičnog oružja za koje se može samtrati da ima prekomjerne traumatske efekte ili da djeluje bez razlkike u pogledu ciljeva,
- b) Konvencije Međunarodne organizacije rada broj 105. o zabrani prisilnog rada,
- c) Okvirne konvencije Ujedinjenih nacija o promjeni klime,

- d) Sporazuma između Bosne i Hercegovine i Savezne Republike Njemačke o osnivanju i djelatnosti instituta za kulturu,
- e) Sporazuma o saradnji na prevenciji i borbi protiv prekograničnog kriminala,
- f) Konvencije o pomirenju i arbitraži u okviru KEBS-a.

Ad - 7: Smjernice Evropske unije i Program mjera i aktivnosti radi sprovođenja reformi u BiH sa zaključcima Predsjedništva BiH

Uvodno izlaganje povodom Smjernica podnio je minsitar Jadranko Prilić.

U diskusiji su učestvovali: Zlatko Lagumdžija, Desanka Rađević, Miodrag Deretić, Rasim Kadić, Adnan Jahić, Nikola Špirić i Mirko Banjac.

Poslije diskusije predsjedavajući Pero Skopljak je predložio sljedeći zaključak:

Predstavnički dom je razmotrio i podržao Smjernice Evropske unije koje BiH treba preuzeti u svrhu realizacije mjera i aktivnosti oko sprovođenja reformi u Bosni i Hercegovini. Predstavnički dom će donijeti vlastiti program i pratiti njegovu realizaciju svakih dva mjeseca.

ZA zaključak je glasao 21 poslanik, a jedan je bio protiv. Predsjedavajući je konstatovao da je zaključak usvojen.

Ad - 8: Odgovori na poslanička pitanja i pitanja poslanika

Poslanička pitanja su postavili:

Smail Bećirbašić:

Zašto nije formirana zajednička komisija na nivou države, sačinjena od predstavnika oba entiteta i međunarodne zajednice, vezano za povratak izbjeglih i raseljenih lica, a što je obaveza iz Njujorške deklaracije? Šta je do sada urađeno na ovom pitanju?

Mirko Banjac:

1. Ponovo postavio pitanje na koje nije dobio odgovor: Šta je sa penzijama lica koja su penzije zaradila u Republici Hrvatskoj?

2. Zašto se u entitetima ne poštuje Zakon o izbjeglim i raseljenim licima u Bosni i Hercegovini i zašto se taj zakon ne poštuje u dijelu kada lice ima pravo na privremeni smještaj da bi moglo osloboditi tuđu imovinu i na taj način omogućiti realizaciju prava iz Aneksa VII Dejtonskog mirovnog sporazuma.

Ovim je završen rad 19. sjednice.

Sastavni dio ovog zapisnika je magnetogram 19. sjednice Predstavničkog doma Parlamentarne skupštine Bosne i Hercegovine.

PREDSJEDAVAJUĆI
PREDSTAVNIČKOG DOMA
mr. Pero Skopljak